

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON**

**O IZMJENAMA ZAKONA O VISINI STOPE ZATEZNE  
KAMATE NA JAVNE PRIHODE**

**Sarajevo, maj 2021. godine**

**ZAKON  
O IZMJENAMA ZAKONA O VISINI STOPE ZATEZNE  
KAMATE NA JAVNE PRIHODE**

**Član 1.**

U Zakonu o visini stope zatezne kamate na javne prihode („Službene novine Federacije BiH“, br. 48/01, 52/01, 42/06, 28/13, 66/14, 86/15, 34/18 i 99/19), u članu 2. stav (2) mijenja se i glasi:

„(2) Kamata iz stava 1. ovog člana, koja je nastala po osnovu dospjelih, prijavljenih, a nenaplaćenih javnih prihoda sa stanjem na dan 31.12.2018. godine, otpisuje se u visini propisanoj ovim zakonom, pod uslovom da porezni obveznik svoje obaveze po osnovu glavnog duga izmiri najkasnije na dan isteka roka od 24 mjeseca od dana stupanja na snagu ovog zakona.“

**Član 2.**

U članu 2b. stav (1) riječi „do 31.12.2020. godine“, zamjenjuju se riječima: „do dana isteka roka od 24 mjeseca od dana stupanja na snagu ovog zakona,“

U stavu (2) riječi: „do 05.05.2019. godine,“ zamjenjuju se riječima: „do 31.12.2020. godine,“

**Član 3.**

Ovaj zakon stupa na snagu narednog dana od dana objave u „Službenim novinama Federacije BiH“.

## **OBRAZLOŽENJE**

### **PRIJEDLOGA ZA DONOŠENJE ZAKONA PO SKRAĆENOM POSTUPKU**

Odredbama člana 172. stav 1. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), propisuje se da kada nije u pitanju složen i obiman zakon, podnosilac prijedloga zakona može umjesto nacрта podnijeti prijedlog zakona i predložiti da se o prijedlogu zakona raspravlja po skraćenom postupku bez nacрта zakona.

Također, u članu 164. stav 1. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, broj: 27/03) propisuje se kada je to programom rada Doma naroda predviđeno ili kada nije u pitanju složen i obiman zakon, podnosilac prijedloga zakona može umjesto nacрта podnijeti prijedlog zakona i predložiti da se o prijedlogu zakona raspravlja po skraćenom postupku bez nacрта zakona.

S obzirom da se ovim nacrtom zakona predlaže samo izmjena datuma otpisa zatezne kamate, i da zakon nije obiman i složen, te ispunjava kriterije propisane članom 172. stav 1. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i članom 164. stav 1. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, broj: 27/03) predlaže se da se razmatra po skraćenom postupku.

# O B R A Z L O Ž E N J E

## I. USTAVNI OSNOV

Ustavni osnov za donošenje ovog Zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostale ovlasti predviđene Ustavom, odgovoran je za donošenje zakona o obnašanju dužnosti federalne vlasti.

## II. RAZLOZI ZA DONOŠENJE ZAKONA

Zakonom o visini stope zatezne kamate na javne prihode ( „Službenim novinama Federacije BiH“ br. 48/01, 52/01, 42/06, 28/13, 66/14, 86/15, 34/18 i 99/19) propisana je mogućnost otpisa zateznih kamata nastalih po osnovu dospjelih, a nenaplaćenih javnih prihoda sa stanjem na dan 31.12.2016. godine. Otpis kamata se odnosio na kamatu na nenaplaćene javne prihode (glavni dug) nastao zaključno sa navedenim datumom, s tim da se glavni dug izmiri najkasnije do 31.12.2020. godine kada se kamata otpisuje u iznosu od 100%.

Prema podacima sa kojima raspolaže Porezna uprava Federacije Bosne i Hercegovine, efekti primjene spomenutog Zakona je naplata glavnog duga oko 43,4 mil. KM, a otpisano je oko 23 mil. KM zatezne kamate. S obzirom na efekte spomenutog Zakona, predlaže se produženje roka otpisa zatezne kamate na javne prihode

## III. OBRAZLOŽENJE PREDLOŽENIH PRAVNIH RJEŠENJA

**U članu 1.** mijenja se stav (2) člana 2. važećeg zakona u kojem se produžuje period za izmirenje glavnog duga do dana isteka roka od 24 mjeseci od dana stupanja na snagu ovog zakona, a u cilju stvaranja pretpostavki za otpis zateznih kamata na glavni dug nastao do 31.12.2018. godine.

**U članu 2.** mijenja se st. (1) i (2) člana 2b. važećeg zakona u kojem se preciziraju uslovi za otpis kamata u cjelokupnom iznosu, na način da se usklađuju rokovi sa članom 1. ovog zakona.

**U članu 3.** određuje se stupanje na snagu ovog zakona.

#### **IV. ODREDBE ZAKONA KOJE SE DOPUNJUJU ILI MIJENJAJU**

##### **Član 2.**

- (1) Na iznos javnih prihoda koji nije plaćen u zakonom propisanom roku, plaća se zatezna kamata po stopi od 0,04% za svaki dan zakašnjenja.
- (2) Kamata iz stava 1. ovog člana, koja je nastala po osnovu dospjelih, prijavljenih, a nenaplaćenih javnih prihoda sa stanjem na dan 31.12.2016. godine, otpisuje se u visini propisanoj ovim zakonom, pod uslovom da porezni obveznik svoje obaveze po osnovu glavnog duga izmiri najkasnije do 31.12.2020. godine.
- (3) Izuzetno od stava 2. ovog člana, kamata koja je nastala po osnovu dospjelih, a nenaplaćenih javnih prihoda i koji su utvrđeni posebnim zakonima o finansijskoj konsolidaciji i u inspekcijskom nalazu Porezne uprave Federacije Bosne i Hercegovine, otpisuje se.
- (4) Poreznim obveznicima koji su platili obaveze po glavnom dugu nastalom do 31.12.2011. godine, a koje je Porezna uprava Federacije Bosne i Hercegovine, primjenom člana 39. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09 i 40/10), evidentirala kao uplate - plaćanje zateznih kamata na ime glavnog duga nastalog do 31.12.2011. godine, te po tom osnovu u evidencijama Porezne uprave Federacije Bosne i Hercegovine imaju evidentirane, a neizmirene obaveze po osnovu glavnog poreznog duga nastalog do 31.12.2011. godine, izvršene uplate će se priznati kao izmirenje obaveza glavnog duga i to najviše do visine glavnog duga, koji je bio osnov za obračun zatezne kamate.
- (5) Otpis kamate iz st. 2. i 3. ovog člana odnosi se isključivo na iznos neplaćene kamate kao i plaćenih kamata pod uslovima iz stava 4. ovog člana.
- (6) Porezni dug čine glavni dug i kamata.

##### **Član 2b.**

- (1) Podnosiocu zahtjeva koji je ispunio uvjete za otpis kamata propisanih članom 2a. ovog Zakona, te u cijelosti izmiri obaveze glavnog duga najkasnije do 31.12.2020. godine, obračunata, a neplaćena kamata otpisat će se u cjelokupnom iznosu.
- (2) Porezni obveznici koji su u potpunosti izmirili svoj glavni dug u periodu do 05.05.2019. godine, i imaju pravosnažno rješenje o otpisu obračunate, a neplaćene kamate u visini od 50%, preostala obračunata, a neplaćena kamata će se otpisati u cjelokupnom iznosu.
- (3) Pod obračunatom, a neplaćenom kamatom iz st. (1) i (2) ovog člana, podrazumijeva se neplaćena kamata na nepravovremeno plaćene javne prihode do dana njihove uplate.

## **V. FINANSIJSKA SREDSTAVA**

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

## **VI. USKLAĐENOST SA PROPISIMA EVROPSKE UNIJE, EVROPSKIM PRINCIPIMA I STANDARDIMA**

Nakon uvida u primarne i sekundarne izvore prava Evropske unije i analize odredbi nacrtu Zakona o izmjenama zakona o izmjenama zakona o visini stope zatezne kamate na javne prihode ustanovljeno je da trenutno ne postoje važeće direktive koje uređuju dostavljeni nacrt. Stoga, imajući u vidu obavezu propisanu odredbom člana 3. stav (2) Uredbe o Uredu Vlade Federacije Bosne i Hercegovine za zakonodavstvo i usklađenost sa zakonodavstvom Evropske unije („Službene novine Federacije BiH“, broj: 26/20), na propisanom obrascu smo sačinili Izjavu o usklađenosti, a Uporedni prikaz nismo iz navedenih razloga.